

# Talaalii Johnson + Johnson Irrattii Barreeffama Marii Iftooma Qabuu

[muuziqaa nama gammachiisu]

[Mataduree Iskiriiniirraa] Talaalii Johnson + Johnson Irratti Marii Iftoomina Qabu

[Dr. Nathan Chomilo] Akkam jirtu, fayyaadhaa? An Dr. Nathan Chomilo ti. Adriana Galvan waliinan as jira. Waa'ee talaalii COVID-19 Johnson fi Johnson dubbachuu akkasumas waa'ee talaaliiwwan COVID-19 akka waliigalaatti gaaffiiwwan qabnu kamiifuu deebii kennuuf as jirra. Akkam jirta Adriana?

[Adriana Galvan] Gaariidha Doktor. Carraa kanaaf galatoomaa.

[Chomilo] Eeyyee, marii kana taasisuu keetiif galatoomi. Maal ree, waa'ee talaalii Johnson fi Johnson gaaffii kaafuu qabdaa?

[Galvan] Tole egaa, eeyyee, inni duraa, jalqaba yeroo talaalliin Johnson fi Johnson kennamuu jalqabe, gidduutti dhaabatee ture. Anis waan ta'en baruu barbaada.

[Chomilo] Eeyyee. Egaa talaaliiwwan hunda miidhaa dhabuu isaanii dhugaadhumaan itti dhiyeenyaan hordofaa jirra. Maal ree wanti hubatames, namoonni talaalii Johnson fi Johnson fudhachaa turan kan kantarrin dhiigaa isaan mudachaa ture tokko tokkotu turan. Kanaaf immoo wanti kun talaalicha waliin walqabachuu isaa ilaaluuf, akkasumas akka wal'aanamuu danda'uuf dooktoroonnii fi narsoonni biroon walxaxaa kana beekuu isaanii mirkaneeffachuuf gidduutti dhaabamee ture. Wanti nuti agarre ammoo wayita talaalii Johnson fi Johnson fudhattan miidhaa xiqqaa kantarrin dhiigaa qabaachuu isaati. Yoo umuriin keessan 50 gadi ta'ee fi yoo dubartii taatan miidhaan sun xiqqoo ishee ni guddata. Walumaagalatti garuu miidhaan isaa baay'ee xiqqoodha. Dhugaa dubbachuudhaaf, yoo COVID-19 qabaattan balaan kantarrin dhiigaa kana qabaachuu guddaadha. Kanaaf, COVID-19 irraa of eeguuf nuti amma iyyuu talaalliin Johnson fi Johnson akka fudhatamu cimsinee gorsina. Waa'ee talaalii Johnson fi Johnson hawaasa irraa maal dhaga'aa baatan?

[Galvan] Tole, yaaddochaan alatti, wanti dubbatamuu qabu tokko talaalichi doozii tokko qofaan waan kennamuuf namoonni ni jaallatu. Yeroo waa'ee talaaliiwwan kanniinii yaadnu talaaliiwwan suun miidhaa dhabuu isaanii beekuun yeroo hunda barbaachisaadha. Talaaliiwwan kunniin yeroo ammaatti hammam miidhaa-maleeyyiidha?

[Chomilo] Talaaliiwwan kunniin hundi isaanii miidhaama hinqaban jechuun ni danda'ama, baay'ee bu'a-qabeessas. Dhugumas immoo nuyii fi hawaasa keenya COVID-19 irraa ittisuuf ni gargaaru. Kanaaf, waa'ee isa kam fudhachuu akka qabdani ilaalchisee gorsa adda ta'e tokko iyyuu hin qabnu. Kanaaf, qorannoo keessan geggeessaa, gaaffii keessanis gaafadhaatii warra jiran keessaa tokko fudhachuuf karoofadhaa. Isuma miidhaa hinqabu jettanii yaaddan akka fudhattaniif isin gorsina. Hawaasonni keenya hundi ammoo talaalicha sadanuu argachuuf carraa qabu, kun ammoo dhugaa dubbachuudhaaf waan guddaadha jedheen yaada. Namoonni kana quba qabaachuu isaanii ammoo mirkaneeffachuu barbaanna. Anumti iyyuu talaalii COVID-19 fudhadheen jira. Ati hoo, fudhattee jirtaa?

[Galvan] Eeyyee, fudhadheera. Miira baayyee gaariitu natti dhaga'ama. Miidhaa hinqabu jedheen yaada. Hiriyoota kiyyaa fi namootan jaalladhu waliin ta'uu nan danda'a.

[Chomilo] Sirriidha. Sirriidha. Ammoo fudhachuun, talaalii COVID-19 fudhachuun, waan fedhe iyyuu haa ta'uu kaayyochi talaalii fudhachuudha, sababiin isaa gara jireenya idileetti deebi'uu nu dandeessisa. Gara guyyoota yaadne sanatti deebi'uu. Ayyaanefannaadhaan yeroo waliin dabarsuu danda'uu, namoota jaallannu bira dhaquu, hawaasa keessa jiraachuu. Kanaaf immoo dhugaadhumatti hawaasonni keenya akka isaan talaalamanii fi ittisa hawaasaa sana akka nuu kennanin abdadha.

[Galvan] Kanaaf, wanti nuti akka cuunfaatti dhiyeessuu dandeenyu, talaalii kamuu haa ta'uu, wanti barbaachisaan namoonni talaalamuu isaaniiti.

MARII IFTOOMA QABU TALAALLII JOHNSON + JOHNSON IRRATTI

[Chomilo] Baay'ee sirrii, baay'ee sirriidha. Akka isinitti toluuf odeeffannoo sana argachuuf wanta gochuu qabdan godhaa. Murtoo miidhaa hinqabne gochuu akka dandeessanii fi ofii keessanii fi maatii keessan ittisuuf akka karoorfattaniif. Garuu yeroon isaa yeroo xumaramutti, weerara kana keessaa ba'uuf talaalamuu qabna. Tole, waa'ee marii kanaatiif guddaa galatoomaa. Dhugaa dubbachuudhaaf baay'ee dinqii ture.

[Galvan] Galatoomaa Doktor.

[muuziqaa nama gammachiisu]

[barreeffama iskiriiniirraa] Odeeffannoo dabalataatiif, kanailaalaa:

Giddugala To'annoo Dhibeewwanii (CDC): Talaallii COVID-19 keessan [www.cdc.gov/coronavirus/2019-ncov/vaccines/your-vaccination.html](http://www.cdc.gov/coronavirus/2019-ncov/vaccines/your-vaccination.html)

Kutaa Fayyaa Minnesota (MDH): Waa'ee Talaallii COVID-19

[www.health.state.mn.us/diseases/coronavirus/vaccine/basics.html](http://www.health.state.mn.us/diseases/coronavirus/vaccine/basics.html)

Minnesota Department of Health

Communications Office

PO Box 64975

St. Paul, MN 55164-0975

651-201-4989

[health.communications@state.mn.us](mailto:health.communications@state.mn.us)

[www.health.state.mn.us](http://www.health.state.mn.us)

6/24/21 (Oromo)

*Odeeffannoo bifa biraan argachuuf, kana irratti bilbilaa: 651-201-4989*